



**Lvdovici Molinæ, E Societate Iesv Theologiæ Doctoris, &
Professoris, Commentaria, In primam D. Thomæ partem**

Molina, Luis de

Lugduni, 1622

Vtrum Adamus cum pluribus costis quàm cætri homines productus fuerit.
disp. 24.

[urn:nbn:de:hbz:466:1-73915](#)

692 De opere sex dierum, Disp. xxij. xxiiij. xxiv.

Eua^m sexta
die fuisse pro-
duc^{tam}.

Contrarium affirman^t D. Bonaventura in 2. sententiarum d. 18. q. 2. Caietanus in illud Genes. 1.
Masculū & feminā fecit eos, & Lypomanus cùm exponit illud Genes. 2. Edificauit cōstam quam ru-
lerat de Adam in mulierem, nempe vtrumque paren-
tem productum fuisse sexta die. Quæ sanè senten-
tia videatur preferenda. Primo, Quoniam dum Moy-
ses Genes. 1. opus diei texti narrat, ait: *Masculū &*
feminā creauit eos. Eadēmque die ait, *Deum ben-
dixisse illis*, tradidisseque dominium terræ, & eorum
quæ eius ambitu continentur, post quæ omnia ad-
dit. Et factum est ita, viditque Deus cuncta quæ fecerat,
& erant valde bona & factum est vestere & manu dies
sextus: ergo sicut intra diem sextum productus fuit
Adam, ita etiam producta fuit Eua. Verumtamen si-
cūt Moses in caput secundum reliquit narrandum
modum in particulari, quo Deus hominem produ-
xit: sic quoque narrandum reliquit modum, quo
Eua de latere Adami produxit, illisq; matrimonio
coniunxit. Vnde solutū manet motuum, quo auto-
res contraria sententia in eam ducuntur. Secundū,
quoniam Gen. 2. habetur, *Igitur perfecti sunt cœli &
terra, & omnis ornatus eorum, completing, Deus di-
septimo opus suum quod fecerat, nihil videlicet ulterius
producendo, quoniam si aliquid de novo produ-
xisser, non esset completum opus suum*, atque hoc
est quod significant verba, quæ subiungit, & requie-
nit die septimo ab uniuerso opere quod parraratur, pro-
ptereaque benedixit diei septimo, & sanctificauit
illum.

Die septimo
qualiter
Deus ceſſa-
uerit ab om-
ni opere suo.

Atque, vt inferamus, quæ de die septimo dicen-
da erant, obserua Deum eo die non ita cessasse ab
omni opere, quasi nihil omnino egerit die septimo:
tunc enim conseruauit mundum, cooperatūque est
cum omnibus causis secundis, quæ tunc operaban-
tur sed ceſſasse solum à productione eorum, quæ
ad primam huius vniuersi productionem pertine-
bant (quod significant verba illa, *ab uniuerso opere
quod parraratur*) nihil iam eo die producendo, sed
quiescendo ab uniuerso illo opere iam absoluto &
explero. Eaque de causa statuit, vt dies septimus
cuiusque hebdomadæ cultui ipsius dicaretur, in
memoriam beneficij creationis completi, & vt homi-
nes, Dei quietem imitantes, nihil teruire eo die ef-
ficerent, arque ita dum à seruilibus operibus vaca-
rent, ad spiritualia, & Dei cultum, essent promptio-
res. Ex his ergo ita confidio argumentum. Eua non
minus pertinebat ad primam vniuersi constitutionem
quam femina specierum cæterorum animalium,
quæ quinta & sexta die producta sunt: quippe
cum propagatio speciei humana non minus pen-
deat à femina, quam pendeat propagatio specie-
rum aliorum animalium: cum ergo Deus septimo
die ceſſauerit ab uniuerso opere, quod ad primam
mundi vniuersi constitutionem pertinebat, ita vt
in eo iam nihil eorum produxerit, sed vniuersa
fuerint completa, consequens profecto est, vt Eua
sexta die fuisse productam fateamur.

Cum Genes. 2. audis: *Complevitque Deus die septi-
mo opus suum*, intellige, exclusiū, nihil iam tunc
operando eorum, quæ facere decreuerat: id quod
indicant, tum antecedentia illa verba: *Igitur per-
fecti sunt cœli & terra & omnis ornatus eorum*: sex
scilicet diebus antecedentibus, vt precedente
capite explicarant, tum etiam sequentia illa: *quod fe-
cerat*: ante scilicet: quare inclusiū sexta die com-
plevit opus suum: quod in causa fuit, vt Septuaginta
translulerint: *Et consummavit Deus die sexta ope-
ra sua que fecit*. Sermonem etiam esse de comple-
mento exclusiū, indicant præterea verba illa alia

A qua sequuntur: *Et requieuit die septimo ab uniuerso
opere quod parraratur*: ante scilicet sex diebus. Re-
quiescere autem ibi, non denotat laborem & fati-
gationem præteritam, sed nudam cessationem ab
operatione, phrasi Hebreæ, iuxta illud Isa. 1. *Quie-
site agere peruersè*, id est, cessate. Isaia 2. *Quie-
site ab homine, cuius spiritus in naribus est*, id est, desistite
eum offendere. Ioseph 5. vbi interpres translatis *de-
fecit manna*, Hebraicæ habetur, *וְיָמִין כַּבֵּשׂ וְיָמִין
הַמְּנֻחָה*, id est, quiens manna. Ut alia omittam
exempla.

DISPUTATIO XXIII.

Quo in loco producti fuerint primi parentes.

C ommunis Doctorum sententia est, Adamum extra Paradisum fuisse productum. Ita Am-
brosius lib. de paradiso cap. 4. Rupertus primo in *Genesim* cap. 11. Magister in 2. d. 17. D. Thomas 1.
p. q. 102. art. 4. Abulensis, Caietanus, & alij. Quod factum fuisse ait Magister, vt, non naturæ, sed
gratiæ, Paradisi locus tribueretur. Innuincit fatis
verba illa Genes. 2. vbi, narratis in particulari, cum
hominis, tum parvulus productionibus, subiungit
Scriptura: *Tulit ergo Dominus hominem, & pefat
illum in paradiſo volup̄tatis.*

De loco, in quo Adam fuit plasmatus, non con-
stat ex Scripturis. A plerique tamquam traditi-
asserunt, plasmatum fuisse in campo Damasceno.
Notat tamen Abulensis qu. 1. 38. in cap. 13. Genes.
non fuisse campum viris Damasci in Syria, sed
campum viri Hebron propinquum in Iudea pro-
uincia, quæ viri ab Hierosolymis octo leuis di-
stat, vt idem autor Gen. 2. affirmat. Honorus Chrono-
poleon apud Cantapetrensem 6. lib. Hypypo-
lecon cap. 1. affirmit, Adam in Hebron fuisse
productum. Angeli fortè opera fuit inde in Para-
disum translatus, vt Abacuch à Iudea in Babylo-
nem, & Enoch in Paradisum duciti sunt.

Euam in paradiſo de latere Adami fuisse condi-
tam, affuerat Ambrosius loco citato. Magister in *Genes.*
2. d. 18. D. Thomas art. 4. citato in responsione ad
tertium, & plerique alij. Consonat hanc Scriptura
sacra Genes. 2. in qua post narratam transla-
tionem Adami in Paradisum, subiungitur producio
Eua de latere Adami. Quò fit, vt Adamus statim,
ac de limo terræ productus est, sexta ipsa die fue-
rit in paradiſo translatus, eadēmque die Eua fue-
rit producta.

DISPUTATIO XXIV.

*Vtrum Adamus cùm pluribus cōfis, quam cæ-
teri homines, fuerit pro-
ductus.*

C aietanus Genes. 2. affuerat Eua non fuisse Caietanus
verè productam de costa Adami, sed Scriptu-
ram, dum saporem Adamo immisum, & produ-
ctionem Eua de costa Adami narrat, loqui meta-
phorice. Alij etiam in eadem fuere sententia. Cai-
etanus hoc argumento ducitur: Quoniam vel Adam Arguit
antequām ab eo auferretur costa, de qua Eua pro-
ducta fuit, habebat plures costas, quam habeant
cæteri homines, vel non. Si de primum, sequitur,
Adamum productum fuisse monstrosum: non fe-
cūs ac si cum sex digitis produceretur. Si vero de
secundum, sequitur ablata illa costa, & restitu-
carne

carne loco illius, mansisse defectuosum : cum ergo vtrumque absurdum sit, dicendum erit, Scripturam eo in loco non loqui in sensu proprio, sed metaphorico.

Est haec sententia parum tuta in fide, ne amplius dicam. Nam in primis pugnat cum communis Patrum omnium ac Doctorum expositione, & cum pleno sensu historia, qua eo in loco narratur, si que modus exponendi Scripturam sacram vim, & autoritatem illius omnino eruerat. Præterea si veritatem historia illius tollas, continuo ruat necesse est sacramentum illud magnum, quod in ea latere affirmat Paulus ad Ephesios 5. Item expositio Caetani cum aliis locis Scriptura aperte pugnat : nam Ecclesiastici 17. dicitur, *Cresuit Deus de terra hominem, & creauit ex ipso adiutorium simile sibi.* 1. ad Corinth. 11. ait Paulus, *Non enim vir ex muliere, sed mulier ex viro.* Vnde Augustinus 9. super Genesim ad lit. cap. 1. 6. Fideliter, inquit, credimus primam feminam ex primo viro factam sine concubitu: sic uero fideliter credimus unum virum (Christum videlicet) factum ex feminâ sine concubitu.

Argumentum Caet. dilutum.
Caet. dilutum.
Caet. ex qua Euam formata est, habuit Adam uerba eas, quas habent ceteri homines.
C
Ad argumentum Caetani, quo longè ante Caetanum vibrabant aliqui, qui eiusdem erroris semina spenderunt, respondent Diuus Thomas 1. parte quæstione 92. artic. 3. & plerique alij, Adamum habuisse illam costam, ultra eas, quas ceteri homines habent, eo fine ab auctore naturæ in eo productam, ut ex illa Euam formaretur. Hæc in Adamo spectato, ut caput erat totius naturæ humanae, non fuit superflua tametsi superflua fuerit, si spectetur, ut humana particularis. Sicut enim semen superfluum quippiam est in individuo, à quo deciditur, si secundum se præcisè spectetur, secus autem si spectetur, quatenus in eo vis est ad generandum sibi simile, ut species conseruetur: sic quoque costa illa non erat superflua in Adamo, quatenus caput erat totius naturæ. Ut ergo individuum nec cum semine, nec post seminis decisionem haberet quippiam monstrorum, aut defectuosum: ita Adamus nec ante costam ablata fuit monstruosus, præsertim cum illa nullam in eo efficerit deformitatem, breuissimè tempore esset ab eo auferenda: nec post eam ablata habuit quicquam deficiens spectato statu, in quo iam erat producta Euam de latere ipsius. Lege apud Diuum Thomam articulo citato, nec non artic. 2. præcedente, egregias rationes, ob quas oportuerit mulierem de viro efformari, & quare de latere potius, quam de quauis eius parte expedierit, ut ea produceretur.

Catharin. fenzentia.
Catharinus arbitratur, Adamum, nec ante Euam productionem habuisse plures costas, quām habent ceteri homines, nec post illius productionem habuisse pauciores. *Sicut enim, inquit, quando Deus ab Adamo abstulit costam, ex qua Euam formauit, simul abstulit carnem: ut ex illis verbis Adami.* Hoc nunc ex offisibus meis, & caro de carne mea, constat, cū tamen Scriptura solum dicat Deum abstulisse costam: ita etiam quando Scriptura affirmat Deum restituisse carnem pro ea, intelligendum est, simul cum carne, aliam simul costam ei restituisse. Recedendum tamen non est à communi expositione Sanctorum, quām satis Scriptura sacra sonat, Deum scilicet solam carnem loco costæ restituisse.

Illud obiter admonuerim, quando Deus soperem in Adamum immisit, & tulit unam ex costis eius, in locum ab Adamo aliquantulum separatum illam adduxisse, ibique ex ea ædificasse Euam, & scientia, atque rerum cognitione eam repleuisse, sicut repluebat Adamum, ibique cum Euam fuisset.

A se locutum. Tunc verò expergefacto Adamo, eam adduxisse ad illum, ut matrimonio illos copulareret. Atque id est, quod subiungit Scriptura, dicens, *Et adduxit eam ad Adam.*

DISPUTATIO XXV.

De scientia primorum parentum.

D Einceps explicandum est quales, tum quoad primi parentum, tum quoad corpus, considererit Deus primos parentes. Atque ut à suprema eorum potentia ordinatur, communis est Doctorum sententia conditos fuisse plenos omni scientia speculativa, & practica, quam de rebus omnibus in specie viribus naturæ poterant comparare.

Id quod in primis colligitur ex illo Ecclesiastici 17. *Disciplina intellectus impletus illis.* Sermo est de primis parentibus. Multaque in eamdem sententiam subiunguntur eo loco. Deinde ex illo Genesis 2. *Formatis igitur Dominus Deus de humo cunctis animalibus terre, & universis volatilibus celi, adiuxit eam ad Adam, ut vidaret quid vocaret ea.* Omne enim, quod vocavit Adam anima viventi, ipsum est nomen eius: nisi autem naturas eorum agnosceret, nequam accididata nomina singulis impone potuisset, ut verba illa, *ipsum est nomen eius,* accididata fuisse, indicant. Præterea nisi ubi primùm creatus est Adamus, locupletissimam omnium scientiam accepisset, immo & idioma ipsum, quo cum uxore loqueretur (licet non quoad omnia universim nomina rerum, quæ ipse postea facile imponeret) sanè nec tam citò nomina animalibus singulis excogitare, nec ita celeriter idioma, quo uteretur, potuisset comparare, nec si dubito nomina illa excogitassem, memoria ea omnia continuo retinere, nec cum uxore tam citò, tantaque cum facilitate sermones conferre potuisset. Vnde Magister in 2. distinctio. 23. *Non creator, non angelus aliquis, sed homo animalibus nomina imposuit, ut ostenderetur, quod singulorum notitiam homo ipse haberet.* Et Chrysostomus homil. 14. in Genesim: *Qui potest congruus nominibus iumenta appellare, & volatilia celi, & alias bestias, quo modo non omnis sapientia, & industria possit?*

E Ratio autem, cur primi parentes simul cum natura à Deo acceperint, & eam scientiam, & aliam quandam, quam subiungemus, hæc est: Quoniam Ratio accepta scientiae
cū Dei perfecta sint opera, primisque parentes tanquam orbis reges, ceterorumque hominum magistri prodirent in lucem, expediens fuit, ut non solum vires robustas, & magnitudinem corporis perfectam à Deo acciperent, sed & totius scientiarum plenitudinem, qua & se ipsos regere, in laudemque Dei assurgere, & posteros valerent influere. Ideo Hugo de sancto Victore lib. 1. de sacramentis parte 6. cap. 13. *Rerum, inquit, omnium visibilium, quæ cum homine, & propter hominem factæ erant, perfectam cognitionem hominem accepisse, nulli dubium esse debet, quantum videlicet, vel ad anima eruditioen, vel ad corporalis visus necessitatem pertinere videbatur.* Consentient D. Thom. 1. p. q. 94. art. 3. & alij Scholastici cum Magistro in 2. dist. 23. & 24.

Præter scientiarum habitus, etiam species intelligibiles, immo etiam sensibiles in sensibus internis religibiles eratrum omnium, quas illi habitus respiciebant, unam primi parentibus inditas. Quæ & quæles fuerint.

tes